

若干種或以世間法及出世法能令一切實而知善男子是名如來第五輪也如來修如是輪以出世間智令他衆生種種歸依皆同產業共相知見安隱快樂住無所畏是諸高勝大仙居處轉佛法輪沙門婆羅門諸梵魔天所不能轉悉能摧伏一切天魔及諸外道於四衆中能師子吼

大方廣十輪經卷第二

吊二

戰慄下良吉反驚懼也
此作魑魅上丑知反下眉二反精怙也
瑞環上丁郎反下音還也

擊字聲實主上音商客也
者舊上渠夷反也
澡浴上音澡浴早

毀下音亦紫亦
吏民上力置反也

佛說大方廣十輪經卷第三

吊三

失譯今附北涼錄

灌頂喻品第四

善男子譬如灌頂刹利大王諸祕要法守護之事皆悉備已然後與諸宮人姝女而自圍遶遊戲五欲放逸自恣不攝六根肆情快樂

是名灌頂刹利大王第六輪也外諸怨敵悉皆降伏增益己國壽命長遠族姓子如來世尊及諸菩薩摩訶薩諸聲聞衆深自防護得無所畏尔時如來入於初禪第二第三乃至第四禪入於空處識處不用處非想非非想處悉入諸佛行處三昧尔時如來入三昧已

無量億那由他天龍夜叉乾闥婆阿脩羅迦樓羅緊那羅摩睺羅伽人非人等餓鬼毗舍闍富單那迦吒富單那鹿弊惡心其意很戾無有愍傷於諸衆生不起慈心言無後世而彼見我入一切佛行處三昧故得勝歡悅於諸三昧得最勝盛愛樂歡喜尊重恭敬得未曾有離一切惡心多悔過於一切種無量無數業障煩惱障法障於一剎那頃悉能滅盡功德智慧皆得具足背離生死趣向涅槃一切皆悉護持佛法是名如來第六輪也如來成就如是輪故禪定解脫三摩跋提斷衆生結以是智慧滅諸煩惱到安隱處得無所畏

高大勝仙轉於梵輪若沙門婆羅門及諸魔梵所不能轉一切外道塵勞怨敵皆悉降伏於四衆中而師子吼善男子譬如灌頂刹利大王與四兵衆一切已國城邑聚落園樹田宅泉池溪谷一切丘澗及諸曠野遍觀已國於其中間所有產業若於彼處多有疑畏敵國怨賊刹利大王便隨其處置同心人防諸怨賊善守己國令得安樂是名刹利灌頂大王第七輪也外諸怨敵悉皆降伏增益已國壽命增長如是族姓子如來世尊爲諸衆生開示佛眼若欲心如實知欲心若瞋心如實知瞋心若癡心如實知癡心亦知衆生爲諸煩惱有種種病隨其所行如實而知如來悉於如是等處皆以方便精進勢力令諸衆生隨其類根以禪定藥除滅煩惱若有衆生多貪愛者教以不淨若有衆生可以四梵堂治者教修四梵堂若有衆生多愚癡者教觀因緣若有衆生應修數息者教以數息若有衆生應

修三解脫門者教以三解脫門若有衆生應修禪定者教以禪定若有衆生應修無色定者教以無色定乃至應以首楞嚴三昧斷諸衆生煩惱病者亦即教修首楞嚴三昧何以故不使衆生墮於四魔令得自在斷人天道亦復不令諸衆生等入於惡趣斷三寶種是善男子如來能知一切至處是名如來第七輪也如來成就如此輪故到安隱處得無所畏高大勝仙能轉法輪一切沙門婆羅門及諸魔梵所不能轉諸餘外道一切怨敵皆悉降伏於四衆中而師子吼善男子譬如灌頂刹利大王爲諸衆生念先種性幼小嬉戲所生之處及諸潔浴偃卧飲乳剪治手足一切爪甲按摩支節乃至戲弄灰土供奉事者習學無量種種技術遊行他國晨夜住處敬事王者及諸大臣并作太子至令登位得爲大王受諸娛樂自在無礙爾時諸方四維上下有大音聲說偈讚歎願使常以正法治國不

惱衆生爲護國土故是名刹利灌頂大王第八輪也成就如是輪已是時灌頂刹利大王能令一切外道怨敵皆悉降伏自保壽命令得增長如是善男子如來世尊於大衆中觀宿命因緣一生二生三生乃至無量百千億生憶念劫成劫壞乃至無量億劫一切成壞

品三

我生彼處如是種姓如是名字如是生處食如是食受如是苦樂如是長壽如是久住如是壽命邊際於彼沒已而來生此復於此沒往生於彼能知彼相一切方所若干種別本宿命事是名如來第八輪也成就如是輪已到安隱處得無所畏最勝大仙轉於法輪一切沙門婆羅門及諸魔梵所不能轉外道怨敵皆悉降伏於四衆中能師子吼善男子譬如灌頂刹利大王於其國界所有人民悉知根源種姓眷屬皆悉勇健種種技術知其貧富端正醜陋乃至死時或以自業命終而死或犯王法刑戮而死或更相殘害夭壽而死

或以鞭杖閉繫囚縛或以技術戰陣鬪諍或以財物或以愛欲或以瞋恚或以飢渴或以過患或以老死或以中年或以幼少或作善業或作惡業一切死者皆悉察知因緣本末如是思惟若有衆生修善因緣爲欲生天或有衆生修惡因緣趣向惡道如是思惟修身善行修口善行修意善行我常方便教修布施皆令調伏隨順此行若命終時當生天上常處善趣遠離惡道如是灌頂刹利大王勤修一切身口善業好行布施飲食衣服象馬乘騎卧具醫藥種種所須乃至給使奴婢僮僕皆悉施與并捨頭目及諸手足不惜身命悉斷殺生偷盜邪淫妄言惡口兩舌綺語貪瞋邪見如是灌頂刹利大王有十種利益獲善名稱而得財業身相微妙多得眷屬少病少惱得賢智眷屬趣向善處皆悉供給親近供養名聞十方一切皆爲說偈讚誦諸大天神悉來擁護身壞命終得生天上是名灌頂

刹利大王第九輪也成就如是輪已增益國界壽命延長如是善男子如來世尊爲諸衆生悉知他人死此生彼如實而知若有衆生成就身業不善口業不善意業不善誹謗賢聖邪見顛倒以是邪見因緣業故身壞命終墮於惡趣生地獄中或生畜生及諸餓鬼若

品三
有衆生成就身善業口善業意善業不誹謗賢聖具足正見成就正見業因緣故身壞命終入於善趣得生天上生天上已或生人中盡諸結漏如是如來善知衆生諸業因緣如來於諸衆生悉能發於大慈大悲常勤精進現三種神通能令安住世間出世間信何等

爲三一者神通二者說法三者知他心以此三種神通令諸衆生安置世間出世間信知一切趣一切有爲一切受生皆得解脫善男子是名如來第九輪也如來成就如是輪故到安隱處得無所畏最勝大仙轉於法輪一切沙門婆羅門及諸魔梵所不能轉一切外

道諸餘怨敵皆悉降伏於四衆中能師子吼善男子譬言如灌頂刹利大王於四天下一切衆生爲病所惱棄捨王位以種種香湯而以澡浴洗沐頭髮著鮮淨衣端坐思惟爲除一切衆生病苦皆得解脫如是灌頂刹利大王以華香瓔珞及衆妓樂一切天龍夜叉乾闥婆阿脩羅迦樓羅緊那羅摩睺羅伽皆悉供養作是供養已各相謂言如是灌頂刹利大王多諸功德應爲轉輪聖王統四天下我等應當建立此王治國政事爾時一切天帝乃至摩睺羅伽等亦如是言當立此王王四天下爾時刹利大王具足七寶統四天下爲轉輪聖王千手具足皆多勇健形貌端正能降伏外敵遊巡四海案行天下一切大地終不謫罰刀杖加害如法教勅皆悉受用善男子是名轉輪聖王第十大輪也以是力故轉輪聖王王四天下及八萬四千海渚皆使修習一切善法無不建立守護身命壽得增長如

是善男子如來從初發心已來於己身命乃至他身所有煩惱若干種病悉以禪定淨水洗浴以如實法大慈大悲溉灌其頂著慚愧衣十方如來以禪定智力大精進力無量方便定意觀察欲滅一切衆生煩惱種種過患如佛世尊作如是言最大智者福德莊嚴堪

爲法器三解脫門四無所畏如來十力十八不共法一切智器大悲利益救濟一切諸苦衆生佛大商主度脫無量苦惱衆生與涅槃樂加其願力欲使滿足成等正覺無上法王如是福德具足智慧勇猛精進如實正觀了四真諦得阿耨多羅三藐三菩提是名如來能盡一切諸漏根本第十法輪也善男子譬如轉輪聖王於四天下遊戲自在如來亦復如是於諸四禪心得自在四無色定修四梵堂具四辯才正觀四諦四無所畏十力十八不共法於一切智得自在力善男子譬如轉輪聖王七寶具足如來世尊具足七覺亦復

如是善男子轉輪聖王具足千子如來亦有一切聲聞諸大弟子憍陳如以爲初首須跋陁羅爲最後也真是我子從佛口生從法化生斷一切漏勇猛精進修四梵堂猶如四兵降伏魔怨善男子譬如轉輪聖王王四天下有八萬四千海渚皆隨言教如來世尊亦有

百億闍浮提百億瞿耶尼百億弗于逮百億鬱單曰百億海水百億須彌山王百億四天王乃至百億非想非非想天百億鐵圍大鐵圍山是佛國土廣大無量一切皆隨如來教化善男子是名如來第十輪也如來成就如此輪故若五濁惡世一切佛法功德退沒離

吊三

六

聖七財及諸智者爲欲除斷覆一切患滅三惡趣乃至後世無明黑闇一切世間皆與十惡共相和合造於五逆謔謗正法遠離諸善悉染一切不善根本如是成就十種佛輪到安隱處得無所畏高勝大仙能轉法輪一切沙門婆羅門及諸魔梵所不能轉摧伏一切

外道怨敵以金剛智能破衆生一切煩惱令使三乘得不退轉於四衆中能師子吼尔時

菩薩摩訶薩及以一切諸大聲聞天龍夜叉
乾闥婆阿脩羅迦樓羅緊那羅摩睺羅伽餓
鬼毗舍闍人非人等皆稱善哉爾衆華雨兩
雜寶雨兩衣服雨兩妙香雨一切大地皆悉

震動佛說如是十輪經時在會大衆有八萬
四千億百千那由他菩薩摩訶薩得無生法
忍復有無量菩薩摩訶薩得深禪定忍辱陁
羅尼復有無量衆生未發菩提心者令皆發
心住不退轉地爾時復有無量大衆有得須
陀洹斯陀含阿那含阿羅漢者次第修學證

沙門果

佛說大方廣十輪經證相品第五

尔時衆中有大梵天名曰天藏久植善根住
第十地是大菩薩摩訶薩是時天藏大梵從
座而起整其衣服右膝著地以偈問佛
我今稽首問

功德海無邊

七

願時賜聽許

除斷諸疑悔渴仰持功德法味中最上
衆生咸樂聞如是第一義

尔時世尊告天藏大梵隨汝所問如來世尊
亦當隨問而答令汝歡喜得未曾有尔時天
藏大梵言唯然世尊以偈問曰

智慧修禪定安住不放逸爲住第一義

而處於生死

勤修於誦習

能度煩惱海

爲當證不退爲當墮惡道

常勤而勸化

爲墮於惡道

爲定趣涅槃爲在於生死

爲墮於惡道

爲處於生死

爲智慧刹利種爲成佛道

依止十種輪

爲得成佛道

爲當墮惡道

常勤而勸化

爲墮於惡道

爲在於生死

爲墮於惡道

爲處於生死

爲涅槃難調伏

依止十種輪

爲得成佛道

爲當墮惡道

常勤而勸化

爲墮於惡道

爲在於生死

爲墮於惡道

爲處於生死

爲禪誦而勸化

依止十種輪

爲得成佛道

爾時佛告天藏大梵善哉善哉大梵所問純
善第一汝已滿足一切諸行於過去恒河沙
佛所修行三業攝心禪定常勤誦經營理僧
事熾然佛法建立三寶如大梁柱又復能爲
多人無量衆生問於如來如是之義若善男
子依止威儀大記別論過去諸佛之所演說

神通住持是名如來成熟衆生令悉厭離爲滅一切煩惱病故爲欲滿足三乘道故十方乃至恒河沙現在諸佛亦說如是依止威儀大記荊論爲成熟一切諸衆生故令得厭離故欲使摧滅一切結使故爲得滿足三乘道果住持正法故汝於過去諸佛所聞我亦如

是依止威儀大記荊論爲欲成熟一切衆生故令得厭離故滅諸結使爲得滿足三乘法故是故大梵汝當諦聽善思念之天藏大梵言唯然世尊佛言若有依止於十不善輪則不具足欲界禪定亦不能具足欲界善根況能成就色無色界一切禪定亦復不能成就三乘及餘諸善何等爲十有欲修禪衆事不具有欲破戒成就惡法生於倒見亦著吉相惡心難調不順賢聖諸根輕躁而不具足微少善根但作兩舌多喜鬭亂作鹿惡語而恒罵詈好作綺語及諸妄言生於貪嫉見他得利常生嫉妬一切衆生有惱害心作大邪見

品三

說無因果天藏大梵滿足十事雖欲修禪不能成就欲界小善況能成就色無色界善根及三乘善法復次大梵又有十事而不能得成就禪定何等爲十樂著作役樂著言說多好睡眠種種所求貪著美色樂著於香樂著諸味樂著音聲樂著於觸樂著覺觀大梵是名十種而不能得成就於禪設使成就尋即退失終不能成而但爲得檀越信施因其利益養心生惡法若在刹利諸王衆中多諸過罪爲他罵詈及加鞭杖截其支節或犯大罪久受諸苦若疾命終必墮惡趣乃至入於阿鼻地獄譬如今蘭迦蘭鬱頭藍弗蛭數拘迦梨提婆達多如是等毀壞禪定乃至阿鼻地獄受大重罪尔時佛告阿若憍陳如我今聽汝清淨比丘受於第一牀敷卧具飲食餚餧能除一切衆生疾疫何以故若坐禪比丘闕少衆具一切心數多起散亂但念諸惡而不能得成就禪定乃至到於阿鼻地獄受諸罪報

若衆緣備足修諸禪定則易成就心得專一
若已得者皆令增長一切不善覺觀散心皆
悉能知不令得起趣向涅槃到於彼岸若有
坐禪未成就者初中後夜當勤修習遠離憒
闊少欲知足於一切結使起於捨心一切貪
欲瞋恚慢貢高兩舌惡口妄語如是等悉

吊三九

得遠離應受釋梵四天王等百千那由他供
養恭敬況復婆羅門刹利居士毗舍首陁所
有供養余時世尊即說偈言
修禪滅諸結 餘業則不能 是故禪第一
智者應供養

余時天藏大梵白佛言世尊若有比丘能修
禪者刹利大臣應加謫罰鞭杖乃至刖其手
足不耶佛言善男子若諸比丘佛法出家刹
除鬚髮被著袈裟一切天人阿脩羅皆應供
養若護持戒不應謫罰閼繫刖其手足乃至
奪命悉無是法何以故除其多聞及持戒者
若有破戒比丘於我法中而出家者成就諸

惡如敗膿壞非婆羅門自言婆羅門非梵行而
言梵行退失墮落聖道果證爲諸煩惱結使
所勝結使所壞又復破戒諸惡比丘能示天
龍夜叉乾闥婆阿脩羅迦樓羅緊那羅摩睺
羅伽人非人等無量功德珍寶伏藏若有依
我而出家者衆生應作十種勝想得無量無
邊福德何等爲十有諸衆生見依我出家者
應作念佛想以是淨心歡喜因緣不信一切
諸餘外道及外道經書若當見時即應思惟
決定聖戒以是因緣能斷殺生偷盜邪婬妄
語乃至不飲酒等入涅槃城見有依我而出
家者當起施心以是因緣於將來世財富無
量善去善向殊勝供養常得充給乃至入於
無畏大涅槃城又見依我佛法出家柔和質
直常行忍辱不生卒暴心無狂亂喜樂正法
常好閑靜阿練若處乃至欲入涅槃無畏之
城若有衆生破戒非法作惡威儀見如是人
當共輕語乃至禮足以是因緣此人後世生

尊貴家有大勢力常爲一切之所瞻視乃至當得入涅槃城天藏大梵若依我法出家造作惡行如是比丘盲無所覩此非沙門自稱沙門非梵行自稱梵行退沒墮落爲諸煩惱之所敗壞如此比丘修行惡法猶能開示一切天龍夜叉乾闥婆阿脩羅迦樓羅緊那羅

吊三

十

摩睺羅伽人非人等一切善法功德伏藏爲善知識雖不少欲知足剃除鬚髮被著法服以是緣故能爲衆生增長善根於諸天人開示善道是以依我出家比丘若持戒若破戒我悉不聽轉輪聖王大臣宰相不得謫罰繫閑加諸鞭杖截其手足乃至斷命況復餘輕犯小威儀破戒比丘雖是死人是戒餘力猶如牛糞是牛雖死人故取之亦如麝香死後有用能大利益一切衆生惡行比丘雖犯禁戒其威勢力猶能利益無量天人譬如估客入於大海斷於無量衆生之命挑其眼目持阿摩陀那果擣從和合成其寶藥若有衆生

盲冥無目乃至胎胞而生盲者以此寶藥而用塗之衆病得除其眼明淨如是如是若諸比丘雖破禁戒造作惡行於佛法中名爲死人復能令他一切衆生使得清淨智慧法眼能令見者尚得如是況復爲開示說種種法大梵警如燒香香體雖壞熏他令香破戒比

丘亦復如是自墮惡道能令衆生增長善根惡行比丘爲不信所燒身壞命終墮三惡道能使他人得大利益示涅槃道以是因緣一切白衣不應侵毀輕憊破戒比丘皆當守護尊重供養不聽謫罰繫閑其身乃至奪命四方衆僧若至布薩自恣之時聽使驅出不共

吊三

十

法事三世僧物飲食敷具皆不聽用一切羯磨說戒律處悉皆驅出不得在衆而悉不聽王及大臣加其鞭杖繫閑謫罰乃至奪命亦時世尊而說偈言

瞻薦華雖萎 勝於諸餘華 破戒諸比丘

復次天藏大梵有五種逆罪爲最極惡何者爲五故心殺父母阿羅漢破壞聲聞和合僧事乃至惡心出佛身血諸如是等名爲五逆若人於五逆中作一一逆者不得出家受具足戒若聽出家則犯重罪應擯令出若已有出家諸威儀者不應加其鞭杖及諸繫閉復有四種大罪同於四逆犯根本罪何者爲四殺辟支佛是名殺生犯根本罪姪阿羅漢比丘尼是名邪婬犯根本罪若人捨財與佛法僧主掌此物而輒用之是名爲盜犯根本罪若人倒見破壞比丘僧是名破僧犯根本罪若人於四根本罪中犯一一罪皆悉不聽佛法出家設使出家不得聽受具足戒若受具者應驅令出以有出家威儀法故不應鞭杖繫閉刑罰乃至奪命如是皆犯根本罪非逆罪也有是根本罪亦是逆罪有是逆罪非根本罪有非根本罪亦非逆罪何者爲逆罪亦是根本罪若人出家受具足戒得見諦道斷

其命根是名逆罪亦是根本罪也如是衆生於我戒律中應驅令出何者爲根本罪非逆罪若人於我法中出家如是凡夫衆生故害其命若以毒藥或墮其胎是名根本罪非逆罪也若有四方僧物飲食敷具悉不應與同共利養若有衆生於佛法僧而生疑心此中出家自言更有世尊或於種種諸言相中生疑惑心若復有人於諸如來所說之法而生疑惑於聲聞辟支佛乃至大乘於中誹謗出其過惡見他讀誦而作留難乃至一偈此非根本罪亦非逆罪是名甚惡近於逆罪如是衆生若不懺悔除其罪根終不聽使佛法出家設使出家受具足戒不悔過者亦驅令出何以故不信正法毀謗三乘壞正法眼欲滅法燈斷三寶種滅損人天而無利益墮於惡道此二種人名謗正法毀訾賢聖地獄劫壽增長如是諸惡業已是名根本大重罪也何者是不威儀根本法若比丘故婬犯根本罪

故殺凡夫人犯根本罪除三寶物不與而取犯根本罪故妄語犯根本罪於此四根本中若犯一一罪一切比丘所作法事悉不聽入四方僧物飲食卧具皆悉不得共同受用然帝王大臣一切群官不應加其鞭杖繫閑刑罰乃至奪命是名根本罪體性相也何故名爲

根本重罪若人作如是行身壞命終墮於惡趣作如是行是惡道根本是故名爲根本罪也譬如鐵丸雖擲空中終不暫住速疾投地如是五逆等罪犯四重禁及二種衆生毀壞正法誹謗賢聖如是等十一種罪中若人犯一一罪者身壞命終皆墮阿鼻地獄是故作逆業犯根本重罪者皆悉不聽度令出家犯逆罪者如此人等於其一身終不能盡諸煩惱結成就禪定況能超出決定菩薩命終之後必墮地獄受惡道苦若有族姓男女以深信心歸依佛法或趣聲聞辟支佛乘或趣大乘於我法中而得出家受於具戒極有信心

吊三

十三

四

護持根本四重等罪常勤精進勇猛不休日擁護一切人非人等終不虛受人天供養於三乘中隨所樂欲何以故志求解脫乃至捨命終不毀犯何以故如是三種衆生皆求涅槃修行其因依止世尊依止經律依止聲聞正位弟子若有衆生犯四重禁非佛弟子聞正位弟子若有衆生犯四重禁非佛弟子我所顯示甚深法相一切無常苦空無我爲諸衆生利益安樂說解脫法波羅提木叉如是經論及諸禪定盲無所見破戒退沒墜三惡道若有族姓男女於是波羅提木叉清淨法中不犯根本者我是彼世尊彼是我弟子隨順我語安住佛法一切所作皆悉成就安住戒身及諸善法亦皆建立能大利益安樂天人世尊如是之人則具足一切聲聞辟支佛乘乃至大乘皆悉善住何以故是根本戒守護一切正法及諸有漏無漏等法皆悉因此而得成立是故名爲戒根本也譬如因地一切萬物百卉藥穀皆因生長如是善學四

根本戒一切善法皆因得生譬如大地一切諸山乃至鐵圍大鐵圍須彌山王皆依得住如是善學四根本戒聲聞辟支佛乘乃至無上大乘皆依而住譬如如大地一切物味依地而住如是善學四根本戒禪定解脫抱持乃至阿耨多羅三藐三菩提亦因而成譬如大地淨不淨物一切悉載如是族姓男女善學四根本戒持戒毀戒是法器及非法器皆悉滿足諦自觀察不譏彼短而不自高亦不毀他能爲一切善法洲渚猶如大地一切衆生之所依止如是族姓男女善能修學四根本戒一切如來所說經論皆生愛樂歡喜受持不起種種非法之想一切衆生皆依四攝而自存活爾時尊者優波離從座而起整其衣服叉手合掌白佛言世尊若世尊作如是言是法器及非法器悉不譏呵他未來時作諸惡行如是比丘非沙門而作沙門非梵行而作梵行今當云何呵責其心驅遣令出佛言

我悉不聽俗人譏呵復有十種非法譏呵即得大罪何等爲十若僧不和合於國王前而譏呵者是名非法若僧不和合於婆羅門衆中而譏呵者亦名非法僧不和合於婦白衣中而譏呵者是名非法僧不和合於婦女小兒等中而譏呵者是名非法僧不和合於僧淨人前而譏呵者是名非法僧不和合於比丘尼衆中而譏呵者是名非法僧不和合於本怨嫌前而譏呵者是名非法僧不和合以瞋恚心而相譏呵者是即非法有如此等十非法不應譏呵假使舉得少罪亦不應受若復少有如佛法譏呵者亦不應受又復十種非法譏呵不應受何等爲十若餘外道來譏呵者亦不應受非持戒白衣而犯逆罪詐謗正法毀壞賢聖若起狂心若散亂心爲諸餘天施四方僧淨人若是一切犯禁比丘所舉之罪皆不應受是名爲十非法譏呵所不

應受若有比丘造諸惡行共僧中住清淨比丘威儀具足於非法處一切不行成就五法應頂禮僧足語惡比丘言我今欲舉汝罪是實不虛是時非時慈心軟語爲使佛法久得安住爲欲熾然一切佛法若聽我說我當如法舉汝若不聽我當頂禮持戒比丘上座

吊二

五

等足白言大德此比丘犯如是事依於五法而舉彼罪上座比丘應察如是語如毗尼如修多羅當以滅諍法如法除滅若犯重罪應以重治若犯中罪應以中治若犯微細罪當以微細治教令悔過優波離白佛言世尊若造惡行比丘實有過罪而恃白衣一切勢力或恃巨富財物等力或恃多聞或恃辭辯或恃弟子如是等力衆僧當共和合修多羅恃毗尼恃有戒德者不取其語而用勢力有如是等當應云何佛即答言應詣國王大臣宰相如法治罪優波離復白佛言世尊如此惡行比丘若財物力若多聞力若辭辯力能

令國王大臣歡喜或有非法朋黨爲應捨置不耶佛言優波離若事未現應當捨去若事已出僧應和合速疾驅擯不得共住優波離譬喻如蘧麥妨麥稗莠根莖枝葉與麥相似若未莠出時不可分別既出已田畯農士并根俱棄何以故壞淨麥故優波離如是破戒

惡行比丘若恃白衣及諸勢力居住僧中果未出時人不敢呵其事現已諸天便譏當言僧中無有禁制若惡行比丘衆僧應速和合疾共捐出優波離譬喻如大海不宿死屍如是我諸聲聞大弟子衆破戒詭曲此等惡人不應共住亦復如是若破戒比丘爲刹利王及諸輔相朋黨非法如此比丘則得自恃多聞財物巨富辭辯如是等力肆心無畏強僧中住少時慚愧持戒比丘心有所疑不應共諍不應守護共作伴黨如是持戒比丘便語國王及諸大臣更至他國

大方廣十輪經卷第三

十六
吊三

弊毗祭反恨戾上胡懇反下零帝反嬉戲上作嬉許之反
遊也樂也偃卧下蒲故反仰倒剪治上正
持音下爪甲上之反抃正作弄娛樂上音
也夭壽亡日反少醫藥王四上醫字刑戮六殺去聲
也澆注謂也輕躁下則到餚饋上霸也戶

溉灌上古愛反下音貴輕躁下則到餚饋上交反下時俱妹反下正作
扇反食也憒開上心煩亂也阿練若

中汝者反此濡正作軟挑其上他彌反一擣徙

云宋韻處下音師又

輕錢下莫結反羯磨上居謁反下

所皆反

瞻蓄蒲北反花名萎舒爲反擯必

辨事反正作百卉下許鬼反恃音市荅麦上音渠稗

莠上蒲拜反下音遂禾田畯下子閨反

佛說大方廣十輪經卷第四

失譯今附北涼錄

刹利旃陀羅現智相品第六

爾時地藏菩薩白佛言世尊是刹利旃陀羅輔相旃陀羅少於善根不肯信向詔曲愚癡自稱多智皆生憍慢不畏後世惡業果報離

善知識乃至趣向阿臘地獄爲財利故與此惡行諸比丘等作非法朋黨佛言如是如是善男子於未來世刹利旃陀羅乃至婆羅門旃陀羅善根微少無有信心欺詐諂曲是諸旃陀羅現智慧相不隨善知識語實是愚癡現爲智慧心常疑悔不畏後世而無禁戒作諸殺生乃至邪見欺誑於他於諸世間常行誹謗語刹利旃陀羅婆羅門旃陀羅壞亂佛法於我法中而得出家常毀破戒作諸惡行而刹利婆羅門盡心供養多畜錢財貪心染著取空言語通致信命治生販賣好讀外典墾土種植守護錢財產業舍宅守護妻子呪說仙藥貪著衣服飲食之物破戒惡行其聲如貝實非沙門自言沙門實非梵行自謂梵行乃至爲刹利婆羅門恭敬供養聽受刹利旃陀羅婆羅門旃陀羅好喜破戒遠離持戒於我法中若見有人持戒修善能謙下者學與無學一切得向如是比丘皆悉不得恭敬供